



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. II. De Divinatione.

urn:nbn:de:hbz:466:1-40673

soram incurunt; quia talis Idololatria, quamvis sit verum peccatum, & crimen lae Majestatis Divinæ, est tamen solum apparenſ, & falsa Idololatria, unde non ſubjacet poenit impositis Idololatriæ vera.

Quare tunc ſolum censuræ latæ in Bulla Cœnæ incurruunt ab Idololatra, quando baptizatus internam ſimul, & externam Idololatriam committit, ſcilicet cum errore intellectus, (aſtimando Deitatem eſſe in Idolo, ſeu in creature) & ſimul cum pertinacia voluntatis, videlicet id ſentiendo, etiamſi cognoſcat id eſſe contra universalem Ecclesiæ ſenſum, & contra lumen rationis; ac demum id manifestando adoratione externa. Unde fit, poſſe quidem ignorantiam invincibilem excuſare aliquando ab haereti, ut ſi quis invincibiliter ignoret Mysterium Trinitatis; ſed ab Idololatria excuſare non poterit ignorantia, quia reſta rationis, ſeu lumen rationis naturale evidenter manifestat non eſſe colendam creaturem loco Dei.

ARTICULUS II.

De Divinatione.

- I. *Divinatio eſt prænunciatio rerum occultarum ope dæmonis facta.*
- II. *Divinatio habetur vel cum expreſſa, vel cum tacita dæmonis invocatione; Eaque haberi potest, etiamſi quis profeſetur ſe nolle dæmonem invocare.*
- III. *Ars inveniendi furtum occultum, vel quid simile per Astrologiam eſt ſuperstitioſa.*
- IV. *Divinatio per expreſſam dæmonis invocationem eſt multiplex, videlicet Oraculum, Praeſtigium, Necromantia, &c.: ſicut eſt multiplex per dæmonis invocationem tacitam, ut Astrologia, Auguriū, Omen, Chiromantia, &c.*

V. *Sortilegium divinatorum de ſe eft mortale. Quid de Consultorio, aut Diviſorio?*

VI. *Non datur materia parvitas in Divinatione. Multipliciter tamen ſape a mortalī excuſatur Divinatio, videlicet ratione ignorancia, curiositatis, joci, &c.*

VII. *Ejusdem ſpeciei ſunt omnes divinationes, ſive fiant cum tacita, ſive cum expreſſa dæmonis invocatione: ſape tamen expreſſa invocatione annectitur aliis peccatis in Confessione explicandis.*

VIII. *Quandonam liceat ſomnia, motus animalium, aut aſtra obſervare?*

IX. *Physionomia quomodo liceat? Non licet tamen Aegyptios consulere, ut futuros evenios praedicant.*

I. **D**ivinatio idem ſonat, ac divina actio; cum enim prænunciatio futurorum ſoli Deo competat, hinc prænunciatio futurorum, neconon rerum occultarum inordinate quaſita, ſeu ope dæmonis facta dicitur Divinatio, quæ altera species ſuperstitionis eſt, cum a dæmonе expoſcatur id, quod proprium Dei eſt.

II. Quæritur primo, Quotuplex fit Divinatio?

Respondeo, Divinationem dupli- citer evenire poſſe, Primo cum expreſſa dæmonis invocatione, & cum pacto explicite inito, ut contingit, quando divinator expreſſe intendit invocare dæmonem, vel quando ſcienſ dæmonem per aliquod ſignum manifestare latentia uitit tali ſigno, ut ſibi latentia manifestentur. Secundo cum tacita dæmonis invocatione, & cum pacto im- plicie contracto; ut contingit quando quis mediis vanis, quibus te iminiſcit dæmon, nititur adipisci notitiam rerum occultarum, quam humana arte com- parare non potest. Ubi notandum, divinationem cum tacita dæmonis invocatione etiam contingere, quando quis

quis signis vanis utens expresse dicit, se nolle dæmonem invocare: Ratio est, quia dicta in hoc casu sunt contraria factis; cum enim serio usurpet ea vana signa, per quæ intendit adipisci notitiam rerum occultarum, quam sine dæmonis ope comparare non potest, consequenter implicite vult invocare dæmonem, quem constat libenter se immiscere hujusmodi vanis, & in utilibus signis; Neque enim Deus, aut Angeli talibus se immiscent.

III. Unde fit, modum divinandi thesaurum, vel inveniendi furtum occultum, aut alterius virginitatem per astrologiam esse superstitionem; cum enim astra impedire libertatem non possint per suos influxus, sequitur, quod talis cognitione non nisi arte dæmonis comparari possit: Quare universem illa dicuntur signa vana, & inutilia, quæ nullam vim naturalem habent indicandi rem, cuius notitia desideratur.

IV. Divinatio per expressam dæmonis invocationem, si fiat per Idola, dicitur Oraculum; si per mortuorum apparentem resuscitationem, dicitur Necromantia; Si per somnia, dicitur Oniromantia; si per fictas, & apparentes figuræ, dicitur Præstigium; si per signa apparentia in extis animalium, dicitur Aruspicum; si per figuram in terra, Geomantia; si per figuram in aqua, Hydromantia; si in aere, Aeromantia; si in igne, Pyromantia. Divinatio vero per tacitam dæmonis invocationem, si fiat per situs, & motus astrorum, dicitur Astrologia; si ex signis volucrum, aliorumque animalium, videlicet per tallem situm, numerum, motum, passum, &c., dicitur Auspicium; si per cantus, vocesque avium, aliorumque animalium, dicitur Augurium; si ex humana voce casu facta, aut sternutatione, aut ex funeris occursu, &c., dicitur Omen; si ex lineamentis ho-

minis, aut manuum, aut pedum, aut vultus, aut totius corporis, dicitur Chiromantia, Pedomantia, Physiomania, Metoposcopia, &c., si demum ex fortuito eventu, verbi gratia, ex factu taxillorum, libri apertione, dicitur Sortilegium.

V. Sortes autem aliæ dicuntur divinatoriæ, quæ scilicet emittuntur ad aliquid occultum cognoscendum; aliæ Consulteriæ, quæ ad diagnoscendum, quid agendum sit; aliæ divisoriæ, quæ ad cognoscendum quid cuique tribendum sit in electionibus, controversiis, &c.; Sortes divisoriæ licita sunt; quia important merum contractum fortunæ, in quo partes æqualem subeunt conditionem lucrandi, aut perdendi: Sunt etiam licita aliquando sortes consulteriæ, quando videlicet necessitas cogat; (dummodo id non fiat in electionibus Ecclesiasticis, cum prohibetur in cap. fin. de Sortileg.) & fiat debito modo, ne divina consilia convertantur ad res vanas, & negotia, ac lucra sæcularia; quamvis in hoc casu non nisi venialiter peccaretur. Demum sortes divinatoriæ ex se sunt mortale,

VI. Quæritur secundo, Utrum in divinatione detur parvitas materiæ, quæ scilicet excusat a mortali?

Respondeo cum Sanch., Valent., Bonac. negative. Ratio est, tum quia usurpatio cognitionis rerum occultarum Deo reservata est ex se res valde gravis; tum etiam quia per quamcunque divinationem habetur consortium, & societas sive expresse, sive tacite cum dæmonie Dei hoste; homo enim per divinationem subjicit se disciplinæ diaboli, ut ab ipso occulta doceatur, ipsumque honorat, ejus documentis fidem praestando; quod certe redundat in Dei injuriam, & contemptum; Sicut in Republica societas, & commercium cum hostibus est crimen læsa Majestatis. Adde, quod di-

vinator exponit se periculo apostasiæ; nam si quærerit a diabolo notitiam certam de futuris liberis, tribuit illi, quod est proprium Dei.

Excusari tamen aliquando potest a mortali divinatio; primo ratione ignorantia, dummodo non sit affectata, vel craſta; quamvis enim vix dari possit ignorantia invincibilis in divinatio-ne facta cum expressa dæmonis invocatione, facile tamen dari potest, quando fit cum invocatione tacita. Secundo, si quis joci causa utatur divinatione ad oblectationem, sciens ea media esse inutilia, sed ad videndum quid casu accidat; hæc enim potius est vanitas, quam supersticio. Tertio, si obſerventur fortæ, auguria, ſomnia, &c., non adhibendo illis fidem, sed timorem aliquem concipiendō de futuro eventu; non enim intenditur ex iis aliqua prædictio, sed præcautio alicujus mali. Hinc fit, ut quamvis mortale sit universim ex ſomniis, auguriis, fortibus, aut aliis hujusmodi divinationibus dirigere operationes suas, ſemel tamen, aut iterum hæc obſervando aliquam operationem indifferentem omittere, erit dumtaxat veniale, ut advertit Sanch., Navar., Cajet. Et ratio est, quia in tali caſu non habetur perfecta luperſtitio.

VII. Quæritur tertio; An omnes divinationes ex ſe ſint ejusdem ſpeciei?

Respondeo affirmative; ſive enim cum expressa, ſive cum tacita dæmonis invocatione fiant, non diſferunt ſpecie. Ratio est, quia Tacitum, & Expressum, Incompletum, & Completum diſferunt inter ſe intra eandem ſpeciem. Verum quia invocatio expressa dæmonis ſepe habet adjunctam vel hærefim, vel adorationem dæmonis, aut alia peccata, ideo in tali caſu explicanda eſt in confeſſione. Non eſt tamen explicandum, an fiat divinatio per aſtra, vel per ſomnia,

Pars II.

vel per aerem, vel per aquam, quia id materialiter ſe habet.

VIII. Notandum autem hic, quod obſervare ſomnia, motus animalium, aſtra, &c. relate ad ea, cum quibus habent connexiōne naturale, non eſt ſuperſtitio ulla, ſed honeſte, & licite fit: Sic Medici ſolent ab inſtrumento ſomnia inquirere, ut humorem prædominantem explorent; Nam qui conſtant humoribus frigidis, & abundant pituita, ſolent ea ſomniare, quæ in aqua, vel nive ſolent evenire; qui abundant flava bile, ſolent videre incendia per ſomnum; qui atra bili abundant, ſomniant funera, fumum, caliginem; qui redundant ſemine, ſomniant, quæ provocant ad libidinem. Pariter nonnulla animalia ſolent prædicere terræmotus naturaliter: Aſtra etiam, quia influunt in ſublunaria, ſolent ſignificare plures naturales effe-ctus; & idcirco Astrologi poſſunt licite inclinationes hominum conji-cere ex aſtris; quamvis diſſicillimum fit ſcire punc-tum Cœli, in quo nativitas alicujus contingit: Verum ex aſtris velle cognoscere eventus liberos ſuperſtitioſum eſt; & idcirco ſola astrologia naturalis licita eſt; unde dicitur, *Sapiens dominabitur aſtris*: Astrologia vero judiciaria illicita eſt, & o-mni jure prohibita; & ideo dicitur Hierem. 10. *A signis cœli nolite meue-re, que iument gentes; quoniam leges populum vanæ ſunt; liberum enim arbitrium non pendet ab aſtris tanquam a cauſis naturalibus, ut effutie-bant, qui propugnabant dari Fatum, hoc eſt immutabilem omnium even-tuum diſpositionem ab aſtris depen-dentem; ut proinde apte dixerit Au-gustinus, *Fatum non ponunt, niſi fa-tui*. Et Cicer. lib. 2. de Divinat. ad-verbit, plures Astrologos promiſſe Pompejo, Cæſari, Crato fauſtissima, & tandem domi nonniſi fenes mori-turos cum ſumma gloria, ubi deinde*

K

qui-

quilibet istorum immature, & infelicitate periret: Nec solum falluntur Astrologi in divinandis operationibus liberis, sed saepissime etiam in divinandis inclinationibus naturalibus; Nam Esau, & Jacob gemelli fuerunt, & penes simul nati sunt, diversissimas tamen inclinationes naturales habuerunt.

IX. Notandum etiam ex Physionomia naturali, seu ex partium corporis dispositione, velle aliquam conjecturam accipere de inclinationibus animi licitum esse; Verbi gratia, ex lineis manuum conjicere ingenium, indolem, inclinationem ad luxuriam, ad maturitatem, &c.; at hinc praedicere futuros eventus liberos, verbi gratia, hominem futurum divitem, pauperem, in patibulo suspendendum, Episcopum, &c., est omnino illicitum. Quare graviter peccat, qui ab Aegyptiis petit bonam, vel sinistram fortunam; cum id naturaliter sciri non possit; si tamen id fiat curiositatis, & risus causa, & sine scandalo, non animo credendi, ut communiter fit, non nisi veniale peccatum erit.

ARTICULUS III.

De Vana Observatione.

I. In hoc differt Vana observatio a Divinatione, quod illa ordinetur ad aliquid obtainendum; hac vero ad aliquid cognoscendum.

II. Sepe Vana observantia habetur solum cum racita demonis invocatione, quamvis fiat protestatio, quod demonis concursus in ea re recuseatur.

III. Ea dividitur in Artes notoriam, in Observationem sanitatum, & Observationem eveniūm. In quo hac differat a Divinatione?

IV. Plura recensentur, qua non raro ponuntur, & tamen sunt superstitionis.

V. Quoniam pacto possit quis aliquando

in his vanis observationibus a mali tali excusari?

VI. Quoniam observationes non sunt vanae, nec superstitionis, sed licite?

VII. Quid de unguento armario?

VIII. Unde dignosci possit, quod aliqua observatio non sit superstitionis?

IX. Quid si dubitetur num effectus aliquis sit superstitionis, an naturalis?

Aut si dubitetur num effectus praetaturalis sit a Deo, an a demone?

I. **V**ana observatio est pariter species superstitionis, sed differt a divinatione, quia haec referatur ad aliquid cognoscendum; illa vero ad aliquid obtainendum mediis utilibus, & vanis. Quare Vana observantia est superstitionis, qua mediis vanis procurantur commoditates, divitiae, sanitas, benevolentia, & alia huiusmodi. Dicitur etiam Vana observatio, quando ex consideratione alicuius effectus casualis conjicit quis aliquid prospere, vel adversi eventurum, & inde actiones suas moderatur, ut notat D. Th. quest. 96. art. 1. Appellatur talis superstitionis Vana observatio, vel quia effectum non consequitur; vel si consequitur, illum habet a demone, & sic plus incommodi habet, quam commodi.

II. Universim autem Vana observatio fit, vel cum expressa dæmonis invocatione, vel etiam cum tacita; ut si quis dicat aliqua verba tanquam habentia vim ad aliquem effectum, verbi gratia, ad movendum annulum, ut quota hora dici sit, cognoscatur, &c. Dicitur id fieri cum pacto dæmonis tacito, quia verba illa sine opere dæmonis talem effectum parere non possunt: Idque verum est, etiam si hoc fiat præmissa protestatione, quod nolis ad talem effectum dæmonem concurrere; Cum enim constet hoc esse superstitionis, protestatio dicitur esse con-